


آدرهس :

IDJTIHAD

Constantinople

اوچنچي سنه



آدرهس :

اجتهاد ادارهخانهسی :

شهر امانتی قارشینده دائره

مخصوصه در .

سنه ۴۰ آبونہ بدلی ، نسخہ سی

۲ غروشدر

آیدہ ایکی دفعہ نشر ایدیلیر اقتصادی ، اجتماعی ، ادبی مجموعہ

نابولئونك بعض اقوال و افكارى

جلال نوری بك طرفندن اقتطاف وترجمه ايدلمشدر :

غزتلر كوچك اعلانلندن بشقه هيچ برشى احتوا ايتمه جك بر مرتبه يه تنزىل ايدلميدر .

§

دعوالرك عددينى يارى يارى يه تنزىل ايچون بر چاره : آنجق دعوايى قزانان آوو قاته پاره ويرملى . مع التأسف بويله بر لايحه قانونيه يى شوراى دولته قبول ايتديره مدم .

§

معاهدات ، آنجق طرفينك منافى متحد اولدجه اجرا ايديلور .

§

بر محاربه ده جنرالك وجودى شرطيدر : اردونك باشى ، هر شىء جنرالدر . غول لرك مملكتلرينى فتح ايدن روما اردوسى دكل ، بالذات سه زاردرد ؛ روما قبولرنده جمهوريت عسكرينى تترهتن (قارطاجه) اردوسى دكل ، بالذات انيبالدر .

§

حرب بر حال طيعيدر (؟)

§

بعض موضعلرده انسان قانى دوكمك ، انسان قانى تصرف ايتك ديمكدر .

§

غائب ايدمه جك بر شىء اولان كي مسهلر آره سنده جسور وقهرمان بولونماز .

§

فرانسزجه السنه جديده نك اكليدر ؛ آبدله راوزرينه حك ايديله جك جمل و تراكيب ايچون بشقه برسان آرمق فضله در .

§

بر فيلسوف هيچ بروقت آدم اولماز .

§

حضرت محمدك اندياي سائره يه سبب تفوق جهنمسز بردين ميدانه كتير مسيدر . (؟)

§

بر حكمدار ، هر وقت ، كندى منافى ايچون مطبوعاى ضبط ومصادره ، استملاك ايتلميدر .

§

بر حكمدار هر كون ، هر شيدن شبهه نلى ، احتراز ايتلميدر .

§

اصل حكومتدن مقصد آريستوقراسى وجهله اداره اموردر : فقط بوكا وصول ايچون دائما ده موقراسى رنك وشكلنى محافظه ايتلميدر .

§

ذاتاً مغاير اخلاق اولان پولتيقه ، اخلافك تعاليسه چالشمليدر .

§

انقلاباتده ايكي درلواشخاص واردرد : بر طاقى انقلاباتى ميدانه كتيردرلر ، ديكرلرى آنلردن استفاده ايدرلر .

§

تحتلر تعمير قبول ايتمز .

§

براختلال . . سونكو تدارك ايدن بر فكردر .

§

بر فرقه يه منسوب كي مسه قدر آز حر هيچ بر آدم يوقدر ،

§

اوتوز مليون فرانكه مالك اولان ورثوته دوشكون اولميان بر شخص ، حكومت ايچون مضر بر شخصدر .

عاقبت الامر اداره حكومت ايتك ايچون عسكرو
اولمليدر : بر باركي چيزمه سز ومه موزسز اداره ايدلر .

§

فضيلت ، سياستده معناسز بركله در .

§

تشريفات برقرالك محبسيدر .

§

فرانسه يي اولديره جك پارسدر .

§


ترك اولديريلور ، مغلوب ايدلر .

§

عشق ومحبته ظفر ، فرادر .

§

انسانه اك آز بكدن قرال اولمليدر .



فلسفه سانجه لری

سرکشته اند و رو بتو دارند کائنات

يك قبله است و قبله نما موج می زند.

موجودات باش دو نمونه اوغرامش اولدوقاری حالده
يوزلری سانا دوغروچورمه يه چالشيورلر، بوحال، قبله يير
اولدینی حالده قبله نمانك دالغالانماقده اولماسنی آگديرير .

§

(لوتهر) ك نداسی اوزدرينه ، شيمه تحقيق برگرداب
آچشدی : پایا او كردابه دوشركن ؛ قرال لری اورايه
چاغبريوردی .

[لوتی بلان - بوكونكي و يارينكي مسائل . ص : ۵]

§

معاقله ياخود تجربه ايله بولماق؛ ايسته فن بودر؛ حس

ايتك ياخود مخياهنك يارديمييله تفرس ايتك . . بو ، اك
يوكسك شعردر ! [كويو - شعر حقنده . ص : ۳]

من ری ژ سرابی بشرابی برو منكر

حتى بأبد تشنه جگر ماد سرابی . [منلای جزری]

§

ترجه : بن يولمی سرا بدن شرابه ايصال ايتدم، منكرلر
الی الابد سراب ايچنده تشنه جگر قالديلر .

§

داوقتی لقايي بته حی بن دبقايي

من نقدی دل وجان دفنایي بسلم دا [منلای جزری]

ملاقات زماننده سنكله بقاده حی اولماق ايچين دركه ،

بن بوفنا عالمده كوكل وحيات سرمايه سنی سلم [*] طریقیله
ويرييورم .

§

توحدونی وه مبین قنخ نظرده جارك

داساسا قدیمی دانیه دیواری حدوث [منلای جزری]

سن حدوثی بویله كورمه ، بركره اي نظره باق ،

كورده جكسين كه حدوث دیواری قدیمیت ملی اوزدرينه وضع
ايدیلشدر .

§

« مراد ايتك مقتدر اولماق در » ديرلر . بوادعا ،

آلتباق ايكي شرط ايله دوغرودر ، بيرنجیسی يالكز ممكن
اولانی مراد ايتك ، ايکینجیسی مراد ايتمهك يولنی بيلمك .
[بهرن هايم ، ارادتك عقلی ، تریه سی عنوانلی كتابه يازدينی دياجه دن]

§

انسان ، اولماسنی آرزوايتديكي حالده ايمش كيبي حرکت
ايتمه لی . [نه ميل له وی . كتاب مذکور ص ۸۸]

§

نه موقعده بولونولورسه بولونولسون، ايستر قلم ايستر

مال مشترا ايچين ، استقبالده آلتباق اوزره ، پيشين پاره ويريلارك
ياپلان عقده بيع سلم دينيلير .